

ლალი ყარალაშვილი



ჰაერი,

წყალი და...

ცოტა შზე!

ლირიკა



გთავაზობთ მშვენიერი პოეტი ქალის, ლალი ყარაღაშვილის ნაკადულივით ანკარა, შაერივით გამსჭვრივალე და მზის სხივებივით წრფელი ლირიკული ლექსების კრებულს.

რედაქტორი ლეილა ბაგრატიონი (ბაბადიში)



Դժուարացի լույսով շրջանդ

.....

Յրջարքն ըսկրտուցատու ջանհրդատ,
դրատունետի ջանհրդատ,
Եակցատջամի հստահրդատ ջրդատ!

... ջրն ջրդրտտ,

սխտուցտրտն հրդտ արդրտ,
դրտ ըստն ջրտ հստրտրտրտ,

ջրտ հստրտրտրտ!

ստտ ջրտտտտտտտ ստտ ըստտտտտ,
ստտտտտտտ ըստտտտտտտ,
ջրտ ջրտտտտտտտտ ըստտտտտտտտտ,
հրդտ ըստտտտտտտտտ ըստտտտտ!

.....

ლალი ყარალაშვილი

ჰაერი,
წყალი და...
ცოტა მზე!

დირიჟა

თბილისი 2022

UDC (უაკ) 821.353.1-1
ყ-281

ავტორისგან

წიგნი გამოიცა ჩემი ყოფილი მოსწავდეების, დღეს ემიგრანტი დედების ინიციატივით.

სპონსორები: ნატალი კახიძე, ნათია ხედაშვილი, ვთერი წვიპოშვილი დიანა მოსიაშვილი, მარინა მოსიაშვილი, ზვიადი ადექსანაშვილი, ილია ბერიაშვილი, ნინო მიჩედაშვილი, ზაირა ბერიკიშვილი, მერი დურგლიშვილი, თეა მაიდაშვილი, ქეთი ავთანდილაშვილი, მარიამ ნინიკვედაშვილი, დია ქიტესაშვილი, ხათუნა ამონაშვილი, ზამა მედიქიშვილი, ხათუნა ავთანდილაშვილი, დოღო მოსიაშვილი, ნანა ქიშოშვილი, ბესო ფშავგვაშვილი.

მადლობას გიხდით მეგობრებო!



კორექტორები: ნანი შუქურაშვილი
თემურ გოგბერაშვილი

ყდის დიზაინი მაია ბაქრაძე
კომპიუტერული
უმრუნველყოფა დია მოსეშვილი

პროექტის

მენეჯერები: ნატალი კახიძე
ნათია ხედაშვილი!

© დღი ყარაღაშილი

ISBN 978-9941-8-4369-3

წინათქმა

50 წელი ქიმიის მასწავლებლად ვმუშაობდი სკოლაში, აქედან, ბოლო 17 წელი – ამავე სკოლის დირექტორადაც.

სკოლა, უწვრთნელ ყრმათა საყუდარი, ნიჭისა და გულმოდგინების საასპარეზო, წარმატებების, თუ წარუმატებლობის, ალტაცების, ხან აღშფოთების სამყარო, ზოგჯერ – სევდისაც: სექტემბერში, როცა კურსდამთავრებულების ნაცვლად მერხებს იკავებენ პირველკლასელები, ჩვენ, მასწავლებლები ყველაზე უფრო ძლიერ ვგრძნობთ, როგორ ჰგავს სკოლის „ცხოვრება სუნთქვის განმეორებას, ფოთოლთცვენას და აღმოცენებას.“

ოჯახი, სკოლა, გაკვეთილები – საინტერესო ექსპერიმენტებით, ქიმიის საღამოები (მაგ. რუბრიკით „გადავარჩინოთ ქვეყნად ყველაზე მთავარი – სიცოცხლე, გაუფრთხილდეთ ჰაერს, წყალს და ერთმანეთის გრძნობებს“), შემოქმედებითი საღამოები (მაგ. რუბრიკით: „ქარის სიამ-სილაღე მის ქროლვაშია“); კონფერენციები, კონკურსები... ჩემი ცხოვრება მთის მდინარის ჩქარ დინებას ჰგავდა; მაგრამ ყველაზე მთავარი ჩემი და ჩემი მოსწავლეების ურთიერთშორისი სიყვარული იყო, სიყვარული ხომ ჰანგთა რემა, ჩვენი ცხოვრების სიმთა ხეობის...

დავიბადე და ვცხოვრობ კახეთის ერთ-ერთ ულამაზეს სოფელში, ქისტაურში (რაფიელ ერისთავის მშობლიური სოფელი). გასაბჭოების წლებში ჩემს წინაპრებს წარმომავლობის გამო (ბებია – ანა ბაგრატიონ ბაბადიში, პაპა – თავადი ილო ყარალაშვილი) რეპრესიის დიდი ქარტეხილები დაატყდათ თავს.

ამ ტრაგიკულმა ისტორიამ მუდმივი სევდა დააჩნია ჩემს ბავშვობას. მერე კიდევ რამდენი ტკივილიანი დღე გაუთენდა ჩემს მიწა-წყალს. (მძიმეა სევდა, რომელიც ერის საწუხარიდან იღებს სათავეს, ვის ხელთაა ჩვენი გადარჩენის სადავე?) გრძნობები ლექსებად ამოხეთქავდნენ ხოლმე სულიდან. არასოდეს მიფიქრია მათი გამოქვეყნება, მაგრამ უთქვამთ: „არასოდეს თქვა – არასოდეს!“ ბოლო წლებში სურვილი მომეძალა ჩემი ნაწერე-

ბის წიგნად გამოცემისა. რამდენიმე წლის წინ გამოვიდა წიგნი: „განსაჯე თავი შენი“ – აზრები და განწყობილებანი. ბევრი გამოხმაურება მივიღე. ამ რამდენიმე თვის წინ ჩემი რამოდენიმე ლექსი გამოვაქვეყნე სოციალურ ქსელში. ბევრი შეხმიანება და წერილი (იხ. ქვემოთ) მივიღე, რომელმაც ძალიან ამაღელვებ.და აი, წიგნი მზადაა. თუ მის სტრიქონებში მკითხველი ჩემს ტკივილში ამოიცნობს საკუთარ ტკივილს, ჩემს სევდაში – თავის სევდას, ჩემს იმედში დაინახავს თავის იმედს და შემართებას, ჩავთვლი, რომ, ამ წიგნის გამოცემა ღირდა, ო... ღირდა!



წერილი ლალი მასწავლებელს

არ მეგულება ჩვენი სკოლის არც ერთი კურსდამთავრებული, რომ არ ახსოვდეს და არ უყვარდეს უმშვენიერესი, უბერებელი სილამაზის მქონე და ბრწყინვალე სულიერების მატარებელი ქალბატონი. არც სკოლას ახსოვს ასეთი ყოველმხრივ აქტიური და უნიჭიერესი შემოქმედი პედაგოგი.

თქვენს მიერ ჩატარებული არა ერთი ღონისძიების აქტიური მონაწილე ვარ. ბავშვობიდან მათაცებდა თქვენი დაუშრეტელი ენერჯია და შემოქმედებითი ნიჭიერება. ჩემი ბავშვობის მეხსიერებას კი განსაკუთრებით შემორჩა თქვენს მიერ, თქვენივე სცენარის მიხედვით დადგმული სპექტაკლი „სიცოცხლე გრძელდება“, რომელშიც როლებს ასრულებდნენ ახალგაზრდა თუ პენსიონერი მასწავლებლები, სკოლის დირექტორი, მოსწავლეები, სოფლის ინტელიგენცია. „სპექტაკლმა შესძრა მაყურებელთა სული“ – წერდა იმდროინდელი გაზეთი „სახალხო განათლება“.

კიდევ რომელი ერთი ღონისძიება ჩამოვთვალო, ქიმიის სადამოები, საზრიანთა კლუბები... ჩვენი სკოლის შესანიშნავ პედაგოგულეტივთან ერთად თქვენ შესძელით, სკოლის პერიოდი უჩ-

ვეულოდ ლამაზ და შთამბეჭდავ მოგონებებად დარჩენილიყო თაობებში.

ეს იყო ჩემს ბავშვობაში.... ახლა კი, უკვე დედა, ცხარე ცრემლით მატირა თვენს მიერ დაწერილმა ლექსმა, „ემიგრანტი დედის ვედრება“... ეს ნიჭიერებაა, არ იყო ემიგრანტი და ასე, სულის ტკივილამდე გაითავისო მისი განცდები.

შემოქმედების სტილიც ყველასაგან გამორჩეული, უფაქიზესი და რაღაცნაირად თქვენეული გაქვთ. რომანტიზმით გაჭერებულ ფრაზებს ოსტატური სიტყვათა წყობით, მძივებივით აბნევთ და გვატყვევებთ მკითხველს.

სწორედ თქვენმა სიყვარულმა და ღირებულებებმა გაგვავერთიანა სხვადასხვა წლის კურსდამთავრებულები თქვენთვის ლამაზი სიურპრიზის მოსაწყობად, რომ თქვენი პოეზია წიგნად გამოგვეცა.

გთხოვთ, მიიღეთ ეს მცირედი ჩვენგან უდიდესი სიყვარულის და პატივისცემის ნიშნად.

ლალა მასწავლებლო, გვიყვარხართ, გვეამაყებით!

ნატალი ვახიძე
სექტემბერი 2021წ.

პასუხი ლალი მასწავლებლისგან

ჩემო ძვირფასებო, რამდენიმე დღე ვერ გიპასუხეთ... სიტყვებს ვერ ვპოულობდი...

საოცარია პედაგოგის პროფესია – მოძღვრავ, აკვირდები ცოდნისა და სიკეთის ტუბერების აღმოცენებას აღსაზრდელში, აფრთიანებ და ამ მოვლენებით გამოწვეული განცდა მთელი ცხოვრების საგზალად მიგყვება. დღეს თქვენ ამ საგზალს საგზალი დაამატეთ.

ასე ხიბლით რომ იხსენებთ სკოლის პერიოდს, ჩატარებულ ღონისძიებებს – ამაში დიდ როლს თქვენი მონდომება თამაშობ-

და, ასევე დიდი იყო, ჩვენი პედკოლექტივის ძხარძი დგომა, ძაგრაძ ყველაზე მთავარი თქვენი ნიჭიერება და სიკეთისკენ ლტოლვა იყო.

მახსოვს, თქვენგან წამოვიდა იდეა, აღდგენილიყო ყოფილი ეკლესია, სადაც წისქვილი იყო განთავსებული. როგორი ხალისით აგროვებდით აგურებს (ცალობით) მშენებლობისთვის...მერე ეს იდეა სოფლის ღირსმა შვილებმა განავითარეს და ახლა სოფელს მოქმედი ეკლესია აქვს.

როცა მოსწავლეთა შეკრებაზე გადაწყდა სკოლაში საბრძოლო დიდების მუზეუმის შექმნა, როგორ სათუთად აგროვებდით თანასოფლელ ომგადახდილთა და შინმოუსვლელთა სურათებს, საბრძოლო ბიოგრაფიებს და შემდეგ მოსწავლე-გიდეები მუზეუმის სტუმრებს უყვებოდით მათ შესახებ.

90-იან წლებში, როცა სკოლის ნანატრი სააქტო დარბაზის მშენებლობა შეჩერდა (უსახსრობის გამო), როგორი მონდომებით, უსასყიდლოდ მუშაობდით მშენებლობაზე თქვენ, თქვენი მშობლები, პედაგოგები. საკრებულოს ხელმძღვანელობაც აიყოლიეთ... და დღეს სკოლას სამას ადგილიანი სააქტო დარბაზი აქვს.

და ასე ხდებოდა არა მხოლოდ კლასგარეშე ღონისძიებებისას...

მახსოვს, ქიმიის ერთ-ერთ ღია გაკვეთილზე კახეთის ზონის სკოლების 20-ზე მეტი პედაგოგი გვესწრებოდა. გაკვეთილის შეფასება მაღალი იყო. პედაგოგებმა აღნიშნეს, რომ ამ გაკვეთილში ყველაზე მნიშვნელოვანი მასწავლებლის და მოსწავლეების ერთსულოვნება იყო.

ასეთები იყავით თქვენ! დღეს კი, სამშობლოდან მოშორებულნი და მაინც სულით ასე ძლიერები, ისევ საყვარელი ადამიანების გახარებასა და კეთილის ქმნაზე ზრუნავთ.

მადლობელი ვარ ამ სიყვარულისთვის, სიყვარული ხომ საკმეველია ჩვენი შარაგმის მოსაკმევებლად.

გეფერებით... გეფერებით.

თქვენი ლალი მასწავლებელი
სექტემბერი 2021წ.



ცოტა მზე



ღრმად შეისუნთქე ყოველი დღის სიბლი, რამეთუ
არ არსებობს ორი ეზონაირი დღე, ვითარცა
არ იქნების ორი ეზონაირი ფიფქი!

წ. შ. შ.



ღალი მეოცნებე

ღალი მეოცნებე, ნისლებზე მინდობად
დავეხეტებოდი ღრუბელთ ზე,
რა ბავშვი ვიყავი... რა ბევრი მინდოდა:
ჰაერი,

წყალი და...

ცოტა მზე!



სთქვი, ღრუბლის ფთილაჲ...

სთქვი, ღრუბლის ფთილაჲ,
რას მიიჩნევ შენი ყოფის უამეს არედ,
მთვარეს – ცის კანდელს,
შუქმისდილი რომ ნებდება შენს ფათუჲკ მკლავებს,
ვარსკვლავთა არვეს,
შენი სიმრუმით რომ დააღამებ,

თუ...

დიდგულა ქარებს,
გზას რომ უბნევს შენნაირ ფთილებს და აღმა-დაღმა
დააქანებს?!



მაინც ავმაღლდები!

ბაღჩაში იყო გლოვა და მოთქმა,
ფოთლები შორდებოდნენ ხეებს,
ერთი ფოთოლილა შერჩენოდა მუხას,
„ეს მაინც“, გმინავდა ხე,
ავად დაიწვილა ქარმა:

„არც ეს!“

იფეთქა კდემით პატარა კვირტმა:
ძარცული ხის ნუგეში ვარო,
რტოები ჩემი თუნდ რკალეზად ხარო,
ძარღვთაგან სცალო,
მაინც ავმაღლდები ღრუბელთა ზედა,
ავგულა ქარო!



რომ, სივრცეებში გავზნულიყავ


მინდვრის ყვავილთა მთრთოლვარებაში ვნანაობდი,
ვნიავქარობდი,
მთის ჩანჩქერების ზვირთთა ქვესრბოლას ჩავყვებოდი,
ჩავეფრქვეოდი,
წყალთა ალერსის ნეტარებას ავეკმეოდი,
მერე ვბეობდი –
მზის ათინათის მკრთალ ნათებას ავებნეოდი;
...ავებნეოდი,
ვერ ვიოკებდი ნდომას ყმანვილურს, დაუდგრომელს,
სავსეს სიალით,
ლტოლვას სრბოლისას, უინს სიმალლის, რომ სივრცეებში
გავზნულიყავ,
დამერღვია ნაცრისფერი მღუმარება მათი,
ჩემი სილალით!



რა ესმით ქარებს

ქარმა გადარია პატარა მდინარე,
მღვრიე ტალღები ბორგავს და მძვინვარებს,
გლეჯს ფოთოლს ქარი იქვე მდგომ ჩინარებს,
მიუგდებს ტალღას და ტალღათა სრბოლა
მყის წარიტაცებს
და აუჩინარებს!

მინდორში გვირილა შიშით ნაბავს თვალებს,
გაუძლოს იქნება ბობოქარ ღამეს,
მნათობთა კრთომა ირგვლივს აფერმკრთალებს,
ქარი ტოტებს ატეხს ჭადართა ჯარებს;
ჭადარსაც გული აქვს,
... რა ესმით ქარებს!



„მთვარე ღრუბლებმა დაატყვევეს“

„მთვარე ღრუბლებმა დაატყვევეს შუქთა მილევით,“
ცა აივსო ფერად ხილვებით:

დედა ღრუბელმა

სათამაშოდ მიუგდო მთვარე პატარა ქულებს,
ანანავდნენ მთვარის სხივებში ბურა ფთილენი...

ზოგი ზე ასდევს, მერე ისევ
დაბლა ეშვება.

ესათუთება, ზოგი კიდევ
ეუხეშება,

გარს ევლებიან, ყველა ლამობს
მასთან შეხებას.

ფარფატებენ ფერთა გამებში ფთილა-ფთილენი,
„მთვარე ღრუბლებმა დაატყვევეს შუქთა მილევით“.



არ შემიძლია ღვენთა უალო

როგორც ნაღვინევ აშულს უთაროდ,
მუზას უქალოდ, ღრუბელს უქაროდ,
ღვენილს უფაროდ...

ღმერთო უფალო,
არ შემიძლია ციმციმა სანთელს –
ღვენთა უალო,

...ამ აღის გამო,
თუმც, ბევრი კრთომა მერგო უამო!

რამეთუ

მაღლისაკენ ლტოლვა სულს
აკეთილშობილებს,

უეცარი რისხვა ქვენა გრძნობებს
ადედიშობილებს,

ამად, განსჯა მეტი გვმართებს თავისა,
აღამის შობილებს!





ეს მე ვისურვე

ეს მე ვისურვე ყოფილიყო ქვეყნად განმეორება,
მირიადი იათ შლილობა,
რამეთუ თვით ვარ
განმეორების დაუსაბამო, დიდი სანყისი –
დედაშვილობა!



პოეტებმა მოხოვეს კიდევ წამეკითხა ლექსები (ეფსპრომტად)

კიდევ და კიდევ გაგანდობდით სევდას მესტვირის,
სხვა რა მინდოდეს, პოემის ღმერთკაცებმა
ასე მეფეროთ,
მაგრამ თილმიდან მაგონდება თეკლეს¹ ტექსტირი:
„შენი მაღალი ყურადღების ღირსი არა ვარ,
დიდო მეფეო“!

¹ გიორგი სააკაძის და.



მზის ჩასვლა ზღვაზე

გავარვარებული ნახშირივით ცეცხლოვანი დისკო
მზის,

ამოეფარება ჰორიზონტის ოვალურ სიმრუდეს
ზღვის,

ფერთა გამაში გაეხვევა ღრუბლები – ფლეთილები
ცის,

მოლოდინში გაირინდება მთელი სამყარო, მე და
„ის!“

ამ სიჩუმეში მწუხრიც მოატანს – მღუმარე ნალველი
ზღვის,

გამრუმდება ფერად ხილვათა ფერმიხდილი წყებები
ცის,

შორით ვილაცა „მთვარის სონატას“ სევდის ქულებად
სკრის,

უსასრულობას შეერთვება მთელი სამყარო, მე და
„ის!“



აფწიე ჭიქა

აფწიე ჭიქა ქარვისფერ ღვინით,
ძარღვებში ატყდა გრძნეულ გრძნობების,
ზეშთამბერავი ქროლვა სიოსი,
რა ახლოს ვიგრძენ სვეტიცხოველი,
ჯვარი,

გელათი,

მალლით სიონი,

ნათელს მაფენდა კავკასიონი,
ასეთი დიდი ლექსები რომ შვა,
იქნებ თვრებოდა გალაკტიონი?!



ქეთევან წამებული

ათას ექვსას ოცდაოთხი წელი... შირაზი,
ხეთ ძარცვის ხანი,
მოედანზე მოსეირეთა – მომლოდინე ათასი თვალი,
„ნათლისმცემლის ჯალათივით“ ატირებული
იმამ-ყული-ხან
უნდილაძე, გადმოხვენილი გურჯისტანიდან –
შირაზის ხანი,
ბრძოლებში კაცი ლომგული, მამულიშვილად
თუმც ერთობ მდარი.
ცეცხლისპირ მდგარი დედოფალი ქეთევანი,
ღვთაების მგვანი,
(ცეცხლისა შიგან რკინის მაშებ-მარწუხების
ღელავდა ალი),
ქრისტეს ჯვარცმით გულს, მამულის ლოცვითა მდგარი,
თან ღმერთს ჰვედრიდა:
ტკივილების, რომ ელოდა, დასათრგუნავად
ჰყოფნოდა ძალი,
კიდევ ერთხელ მიეახლა მონენ შაჰის, გაუმეორა
დანაბარი, შემპარავი, წვრილი ხმით თქმული:
„ცხელ მარწუხებს,

მაჰმადის სჯულს ხომ არ ამჯობინებდაო,
გურჯისტანის გული?“
და რა მოესმათ მტკიცე, შეუვალი ხმა:
– სული ქრისტესია!
გული – ფერფლად ქცეულიც, საქართველოსაკენ
გაჰყვებაო ქარს!
ბგერა გაიპო... გავარვარვარებული მიტრა¹
წარმოაცვებს თავს!
(ო, დედოფალო! მიწა რად არ გასკდა ცოდვით
სიმხურვალეში,
ქარი რად არ ამოგრივალდა, წარეკვეთა
უბირთ თარეში?!)
გულს საკინძე ჩამოუშალეს, ტანი სარო
შემოაძარცვეს,
ურყევი იყო დედოფალი და დაცემა აღარ აძალეს,
ლურსმნების გავარვარებული სარეცელი შემოაძალეს!
დრომ შთაგონებად იქცია კდემა ქალისა,
ხილვით ამისა,
ერთხანს კვლავ ჩნდა უხმო ფეთქვა ალვა ტანისა,
შიგან ალისა,
სიყვარულისთვის მიუბღეს ის, რაც ექადნათ,
სივრცე შექანდა,

¹ ჯვარცმულის ეკლის გვირგვინი.

ნივთიერისგან სული გაკიდევანდა.
ვერ ხელყვეს სული!

ფლითეს თუმც სხეული მაშით,
რამეთუ მოჰკლეს,
უკვდავჰყვეს მაშინ!

გარინდულიყო ყოველი, გრძნეულის თითქოს
დაეკრაო ტორს,
მხოლოდ ქართული წვეთი სისხლისა – ეული,
ეომებოდა

შაჰ აბასის ავ სხეულში ავ სისხლთა ტბორს,
გამოეხეთქა
კაჰილარები, მასში არ ყოფილიყო რომ!

მზე ჩაინავლა,
ბრბო მოსეირე იშლებოდა, ველარ უძლებდა
ბულსა და კვამლს,
მხოლოდ ცისაკენ აღმავალი ნათლის ნაკადი,
ნათლის სვეტად

გარდასახული დედოფლისა, სივრცეებში –
უკიდევანოს...

ავლებდა კვალს, ის უამი იდგა
როცა სიკვდილი
სიკვდილსა ჰკლაფს!



ხმაურით, ღრუნით

ხმაურით, ღრუნით, ზღვა მძვინვარებით ურტყამს ნაპირს
ღონიერ ტორებს,
შორს, ზღვის გულში კი ფერთა ცვლა აქვთ
ტალღათა ტბორებს –
ლურჯებს, მწვანეებს, მოლისფერებს – ზღვის განწყობის
ამ ინდიკატორებს.
ვითვლი ფერთა ცვლას, რა წარმოშობს ფერთა ამგვარ
გარდამავლობას,
იღუმალი სხვა რაიმე ძალი, თუ სინათლის
საოცრად მალი,
სხვადასხვა სიხშირის ტალღებია, არეკლილი
მშფოთვარე წყალით?
კითხვა კითხვაა, ჰასუხს მისას მოითხოვს რიგი,
მაქვს სწავლულთ რიდი,
მაგრამ ერთია მაინც, ვინემ სინათლის ტალღის
სიგრძე – სიხშირის,
ცნების სიზუსტე, ფერის შეგრძნება ცოვრებაში
უფრო არს დიდი!

ფერის შეგრძნება, ეს შეცნობაა მრავალ გრძნობათ
მრავალგვარობის,
გასხვაფერება ადამიანურ ლტოლვებათა
ყველა ამობის,
ეთიკაა ყოფიერების, ამაღლებაა
ჩვენი რაობის,
ურომლისოდაც მსხვერპლნი გავხდებით – მსხვერპლნი
არარაობის!



ბურა ღრუბლები

ბურა ღრუბლები აეფოფრენ შავ ნისლთა ტევრებს,
დაიმუხტა ატმოსფერო ათას ვოლტებით,
ფაფარაშლილი მოვარდა ქარი, ღრუბელთ მეხრე,
გაავებული დაერია ფარას შოლტებით.

გაიკლაკნენ ქარის შოლტები, ვით ცაზე ელვა,
მენამულისფრად დააჩნიეს ნაჭრილობევი,
ენყინათ ღრუბლებს, ცრემლში ჩაახშეს ამდენი ღელვა,
დაასველეს მინდვრისა და ტყის ჭილობები!



ღადგება ხოლმე ცხოვრებაში წუთები მძიმე

ღადგება ხოლმე ცხოვრებაში წუთები მძიმე,
მთებს გარსმიჯრილი ჯანლივით მრუმე,
შემოჭრილი სინათლის სხივი ამ სიმრუმეში
შესამჩნევია, მით უფრო თურმე!

არ ყოფილიყო ჩემი ყოფა ნაღველნარევი,
სევდით მოცული, მწუხარე ხილვად,
ჩემო ძვირფასო, ნეტავ მაშინაც შემოხვიდოდი,
შემოხვიდოდი ჩემში მზის სხივად?!



ყველა ელოდა მეხთატეხას

ცის დასალიერს შეესია ღრუბელთა რემა,
ხელყოფილ ჰყო სილურჯე მისი,
მკაცრი და მრუმე იყო იგი, ფერისცვალება,
ვით გაფრთხილება მრავალგზისი.
აჲ მოლოდინში განაბულა მუხა და დეკა,
ფერმიხდილა, კრთის ოაზისი!

ყველა ელოდა მეხთატეხას და უცებ არეს
შემოეცალა ღრუბლები ცისით,
ცოდვილი მინა მრუმე ნისლებს შეჰჰირდა რამეს?!
მერე იყო გაადვილება სავალი გზისი,
რამეთუ ისევ შეგვიფარა კდემამ
ამოდ მავალი მზისი!



ქიმიკოს გოგონას

მწვანე ცისფერს სცვლის სინჯარაში,
არის ფერთა გარდამავლობა,
გარინდებულა ლურჯთვალეობა,
ითვლის ფერთა ცვლას, ვინ გაივოს
მისი მისია...

- მეოცნებეა?
- მომავალი ქიმიკოსია!



არის ბიჭი ნუკრისთვალემა

არის ბიჭი ნუკრისთვალემა, ოდნავ თავნება,
ერთნაირი გულმოდგინებით არჩევს ფორმულებს,
სწავლობს ენებს,
მერე აიღებს პატარა ფუნჯს და
ქალაქდგე ტოვებს მიმოხნეულს,
საოცარ ფერებს!



სადღეგრძელო

ასწიეთ ჭიქა ქარვისფერ ღვინით,
ბიჭების ხსოვნად,
გულზვიადობა რომ დაენათლათ
მშობელი მთების,
მამულმა უხმო და ალაღებულ
ქართ სწორფერებმა,
სალი კლდის შვერილებს შეაღენწეს
ამაყი ფრთები!



ო, ღირდა... ღირდა!

მე ვიხილე მზე ცეცხლოვანი, მისი სავსე მშვენიება,
დაისის მწუხრზე ზღვაში როგორ ჩაესვენება;

სევდას მიძალებს ცად ვარსკვლავის კრთომა ეული,
მერე ელვისებრ ძირს, უკიდევანო ქვესკნელს ქცეული;

თვალწარმტაცია მთის ჩანჩქერი, შმაგად ფრქვეული,
გავაკებული, მდორეა და ძალაგამოლული;

გულს მიმძიმებს საავდროდ მოჯრილ ღრუბელთ ტევრები,
თუმც, ბოლოს ქარისაგან დატუნტულია, დანაწევრები!

მე მინახია ქარიშხალით არე რბეული,
ქარიშხალიც მინახავს კლდის ქიმებზე

ფრთებმომსხვრეული!

მტკივა მთის ფერღზე ჯიხვი, ჭიუხისკენ მზერით მეწილის,
კაცის ტყვიით ქიმ, ქარაფებში ჩამოლენილი!

კაცი, რამდენია მუხთლობის სენით ხრწნეული,
სარმაგამოდებულ მოძმის დაცემით წადილს წეული;

მომხიბლავია ერთ არსებად ორთა მარება,
თუმც რამდენია მერე ამ მთლიანის დანაპრალება!

ვის არ ჰქონია იმედები ზენას წეული,
მერე ძირს დაცემული ყინულივით მიმომსხვრეული!

მე დავინახე ბავშვი, როგორ წაიქცა ყრუ ლოდებთან,
სასომიხდილი დედა როგორ მწარედ გოდებდა!

და თუ ასეა, ბოლო თუა მაინც ყოველის მოსრა,
იმთავითვე ღირდა კი მაშინ ამ ქვეყნად მოსვლა?!

*

მაშ რად მიზიდავს ბილიკები ასე ხვეული,
მთებსა და ველებს უსურვაზებევით შემოხვეული;

გული რად მღერდა დისკო მთვარისა როს ანთო,
ვარსკვლავებით როცა მიმოიჭედა სავარსკვლავეთო;

რადა ვნეტარებ, განთიადი როცა შობს შუქთა
ბილილებს
და რიჟრაჟის მწუხრს მკრთალ ფერებად
მოაბილილებს;

მზე ამოვა, მეფურად გადმოაბნევს სხივებს ელვარეს,
და აისი სივრცეებს უმაღლ ააელვარებს;

მერე მოდრკება ჩემს სარკმელთან ქარი, თვინიერ
მიფენს ფრთებს სახეტილოდ,
გზა მითიე კლდეო ტიალო!

*

და მეხლება მთის ჩანჩქერთა შხეფები, მალლით ასული,
ათინათით მარგალიტებად გარდასახული.

ველის ყვაფილებს გაუმართავთ ველად მეჯლისი,
მინვეული ვარ, მძათერი სურნელების მომცეს მესიჯი.

აგერ მომდგარა ხარ-ირემი ტყისპირს, ქორბუდა,
ყივის, სამიჯნუროდ უხმობს ფურიას ლერწმის ქონგურთან.

შეხე იმ კაცს, მოძმისთვის თავი როგორ გასწირა,
სიკეთის წილ, მერე სულ სხვამ მიუგო ვალი ასწილად;

ეს მესაზღვრეა, ღვივშივ ჩაუხშოს მტერს ნდომის ებანი,
მამულის მიჯნებს არ შეახოს მისი ვნებანი!

იმ ქალს, ლოცვად მდგარს, სურს ვნებათა ხიბლს
არ ეუფლოს,
შემდგომ ფერისცვალების სული შერთოს
ზესთა საუფლოს.

ჩუ ... ბავშვი კისკისებს, მისი სილალე შტორმებს აოკებს,
სიცოცხლის არსზე დააფიქრებს არსთა ქაოსებს!

ცოდვა-მადლი კი, განსასჯელი ანგტერმ-ედრებით,
ანგელოზებს ცისკენ მიაქვთ უსხეულო პერგამენტებით.

*

ქარი კი, თითქოს ამ ქვეყნად არა აკრთობდეს რა,
სრბოლას განაგრძობს დიდხანს, მერე ჩემსკენ
მოიღებს ფრთებს და

სევდითა მკითხავს:

– წამია სიცოცხლე კაცთა, მაგრამ
თუ იცხოვრე ღირსად, მარადისისკენ ლტოლვის ეს წამი

ამოდენ ვნებათ რიგად, ღელვად, ამდენ ვაებად
და ხან შვებად ღირდა? და მე ავტირდი:

– ო, ღირდა... ღირდა!



მე დავიბადე ველთა მწუხრისას

მე აღმოვცენდი მოსრილ ფესვთაგან,
როგორ მწყუროდა წყაროს მწეობა,
წყარო შორს იყო,

მაგრამ ნისლებად
ნამი დრო და დრო მოიმცვრეოდა!

მე დავიბადე ველთა მწუხრისას,
როგორ მწყუროდა ზეცის მწეობა,
ზეცა შორს იყო...

მაგრამ მე თავად
უნდა მეცადნა ცისკენ ზეობა!



სიყვარული



სიყვარული ჰოეზიაა: რითმა, რიტმი და ფანტაზია,
საუმეველია, შენი შარაგზის მოსაუმეველად!

წ.



სიყვარული ეს ცის კარია

სიყვარული ეს ცის კარია, ყოფის აზრი, ყოფნის მეობა,
ჰანგთა რემაა...

შენი ცხოვრების სიმთა ხეობა.

სიყვარული ეს ცის ვნებაა, იღუმალი, ხან ისე თავნება,
ნათლის ღვარია,

ხან პირქუშია, როგორც ბრალდება!

სიყვარული ეს ცის თრთოლვაა, სიოსავით ამო ამება,
ნიაფქარია,

ხან ქარიშხალის აგრიგალება!

სიყვარული ეს არილია, ფანტელივით გარს რომ გვევლება,
საკმეველია,

შენი შარაგზის მოსაკმეველად!

სიყვარული ცად აღმაფრენაა...

ფრთე-ფრთანაზია,

სიყვარული პოეზიაა: რითმა, რიტმი და ფანტაზია!



ცისარტყელას მოვტაცებ ფერებს!

წვიმდა და წვიმდა... ახლა კი ცაა ისე მშვიდი,
დედაო მიწავ, დამეუფლა სურვილი დიდი:
ნაწვიმარ ცაზე გაბნეულა სარტყელი შვიდი,
თქვი და.... თუნდაც საავდროდ გამიწყრეს ზეცა,
მიდარაჯებდეს ხიფათი დიდი, შემადრკოს ვერამ,
გზას გამიკვალავს ოცნება-ჩემი ციური გიდი:

ფრენით გავაპობ ეთერის ფენებს,
იქ ცისარტყელას მოვტაცებ ფერებს,
შენ გამოგინვდი მთრთოლვარე ხელებს,
(ვინ დამილოცოს სავალი შენებრ!)

ვერ დამენიოს ღრუბელთ ჯარი, მდევარი ვერცა,
შემოგაბნის ათინათი ათასგვარ ფერთა,
მერე სიმწვანე მოეძალოს ხრიოკთაც შენთა,
ლამითაც შუქი ეღვრებოდეს მთებსა და ველთა,
რამეთუ ახლა გულისთქმა ზოგი, ავი და მრუმე,
შეჭვარებია შენს ბინდს და ბნელეთს, მე უსათოოდ
ავფრინდები ღრუბლებზე მალლა
და ცისარტყელას მოვტაცებ ფერებს!



კდებმ დედათა!

დასაბამიდან...

თვალთანარმტაცი იყო იგი მიწა საქართველოისი,

ვითარ ედებმი,

ბარი მთიანი, ხმელეთ-ცვრიანი, ურმულიანი, წყალში

ოქროს ვერძები,

ვაჟები ხმალ-აბჯრიანი, ასულები მოგოგმანენი, ვით

ტბაში გედები,

მავრამ, მამულს თუ დასჭირდებოდა, უმალ ისხამდნენ აბჯარს

თვითონ დედებიც!

ლოცვანათევი,

გამთენიისას, მომხვდურთ ურდოებისკენ მიმავალ ლაშქარს

მოძღვრავდი თავად,

ასულს ასე ნაზს, ნასათუთარს, ამდენი ძალა გქონდა რით,

მეფეო თამარ?

– უნდა გამელო ვალი მეფისა, მამულისა, ერისა და
ხარკი დედათა,
ჯანლი რომ არ მოსდებოდა ქართული ცის უძირო თავანს!
– მტკიცეა თამარ!

დასაბამიდან...

ნაყოფიერი იყო იგი მინა საქართველოსი,
განა ეწერი,
ჩამოაბნელა მტერთა სიმრავლემ, არე დაბინდა სულ
შავი ზენრებით,
ტყვეთა სიმწუხარეში, სპარსეთისკენ მიტორტმანებდნენ გურჯი
ლერნამ-ქალები,
ვითარცა ყვავილობის უამს ქარიშხლისაგან გაძარცული
ვაზის ლერნები!
(მძიმე ხვედრის წილ, რაოდენ უბადოა შენი მძლეობა,
დაო ქეთევან?!)

– უნდა გამელო ვალი სჯულისა, დედოფლისა, ერისა და
ხარკი დედათა,
მძიმე ტერფებით საქართველო მტერს უღვთოდ რომ
არ ეთელა!

– ამბობს ქეთევან!

დასაბამიდან...

სურნელოვანი იყო იგი მიწა საქართველოსი
ით, ენძელით,
ჰაატას დედავ, საშაჰიანოს მძევლად შვილის დატოვება
როგორ შესძელი,
როგორ შესძელი ქალო, რუსუდან? – მძიმე უნდა გამელო
ხარკი დედათა,
იმ ავბედით უამს არ მოვესარით ძირში, რათა მუსულმანთ!
– ამბობს რუსუდან!

*

ვერამ ჩაკლა მებრძოლი სული თაობათა, ვერ ამონა
ნდომას მუხანათს,
საქართველოში, ღვარჯნილი¹ – ვერ მოძირკვეს ფესვი მუხათა,
ამოიზარდნენ

ეს ფესვები: ილიად, ვაჟუად,
კონსტანტინედ,
გალაკტიონად,
ანად,
მუხრანად!

*

ასეა დასაბამიდან, საქართველოში ვერ მოძირკვონ
ფესვი მუხათა,
და ვერცა კედართა,
დიდი, დიდი არის
კდემა დედათა!

¹ ჭდეებიანი



წამწამები რატომ დახარეს?

იმ ლამაზ ღამეს, ზმანებათ ღამეს გრძნობა წრფელი,
დაუსაბამო რამ დააოკა?

დააოკა კი? და მაინც ბაგე მუდამ მლიმარი,
იმ ლამაზ ღამეს რატომ გაურჩადა?

მწვანე თვალებმა რად ვერ გაუძლეს ლამაზ ზმანებას
და წამწამები რატომ დახარეს?!

* * *

– რაო, ვინ არის?

– ირმისთვალემა,

ძლიერ თავნება,

გაიღიმებს და...

სევდაც თავდება,

დარდიც თავდება!



და აშრიალებს შავ ფოთლებს ქარი

და აშრიალებს შავ ფოთლებს ქარი,
ხან ისე ძლიერ,
ხან ისე კრძაღვით,
სივრცეში ბორგავს ფერები ღამის,
შენ კი არ ჩანხარ, წასულხარ საით,
ამ ტიალ ღამით?!

* * *

მივდივარ...
შენ რაღას ხარხარებ ნიავო,
წავივალ მეტოქე,
ყვავილებს ეფერე,
ტიალო!



როს ღამე იწყებს გაფერმკრთალებას


ღამით, როცა მთვარის ფერმიხდილი ნათება
აედევნება სხივებს, დაღმავლებს,
განვუღვები ჩემს სევდის ქოხს, დავაგდებ ფლასებს,
ყელზე ავისხამ შუქთა აღმასებს,
ტანს – მიმომთვარული ღამის სამოსელს,
მოვალ,

შემოგებნევი სხივთა აღმასებრ,
შენს სარეცელს იღუმალი სუნთქვით აღვავსებ;
... როს ღამე იწყებს გაფერმკრთალებას,
მთვარე როცა გადმოაბნევს სიმთა აღმასებს!



ისიც ქარია ვითომ!

წავიდა უკვე, სტირი? შეხე (სარკმლით რომ მოსჩანს),
მწვანე ბალახის ღერებს, ქარი რომ ააღერებს,
მერე რომ გადათელავს,
და ისე ააღელვებს...
გარდასახული სიოდ შემოეხვევა ალვებს,
ალვაც არ დააყოვნებს, მორცხვად მინაბავს თვალებს,
ესათუთება სიო
ამ ვნებააშლილ ქალებს...
მერე ატყდება ქარად, მძლავრად მოიქნევს ტორებს
და მინაზებულ ხეებს შემოაძარცვავს რტოებს,
ერთი შეუსტვენს კიდევ,
ვიდრემდე მიატოვებს.
ტანშეძარცული ხენი თავს იმშვიდებენ თვითონ,
სიოაო და რა ქნას, ქარიაო და მიტომ!
... შენც მიეჩვიე ამას,
ისიც ქარია ვითომ!



ეს ღამე ჩემთვის იქნება შლევგი

ეს ღამე ჩემთვის იქნება შლევგი,
მე სიყვარულის გატანა ვიცი,
გაცრეცილ ტუჩებს დააკვდება უგონო ფიცი,
ო, რომელიც განწირულია – წინასწარ ვიცი!

სხვა ღამეები იქნება ჩუმი,
მე ხომ სიჩუმის მოსმენაც ვიცი,
უსხეულო ამელანდები, უგონო ფიციოთ,
რაც არასოდეს შესრულდება – ორივემ ვიციოთ!



მე მეცვა ყვითელი კაბა

მე მეცვა ყვითელი კაბა,
თმა მქონდა ფერი გამხმარი ბალახის,
ის უხმოდ მიმზერდა და რომ
წავიდა, დატოვა პატარა ბარათი:
ფერი ყვითელი, თან რომ გღევს,
ვიციო, სიმბოლო არისო ღალატის!
ნიავმა კითხვებით ამავსო,
სულო, ნეტავი გაუძლებ ამასო,
გაიხდი მაგ ყვითელ კაბასო?!
ფრთენაში... რა ჭორიკანაა ნიავი!




პაემანი

ღელის პირას სევდიანი ტირიფი,
ღამე შუქ-ჩრდილებით მიმომთვარული,
ქარი ნიავექარული,
პაემანი ფარული.

ოცნება ფრთაშლილი, ცამდე ასული,
გრძნობა ნაფერები, მერე ნაქარი,
სამოსშემოდარცული –
ტანი ნაქანდაკარი!

ცისფერ ნისლში ჩაძირული სხეული,
სისხლი აბორგებული, ზე-ს წეული,
მერე მოთენთილი,
მდორე, უკუქცეული!

ღელის პირას სევდიანი ტირიფი,
ღამე შუქ-ჩრდილებით მიმომთვარული,
ჭორი ნიავექარული,
შენანება ქალური!



რომ სილაში ფრთამოტეხილ ჩიტებს ხატავდე...
(იას)

მხრებმოსასხამი ამოვქარგე თეთრი მძივებით,
ტაძარი ჩვენი გავაბრწყინე მინდვრის ღვებებით,
ლურჯი იები ჩავინანი ინისფერ თმაში,
ლურჯი იები, გავულოდინდი და უცებ მესმა:
– რა საჭიროა ამოდენი ემოციები?!

„რა ცოტა წყალი ჰყოფნით იებს სიცოცხლისათვის,“
უნწყლობამ კი მიიყვანოს იგი სადამდე?!

ორ სიტყვას ძალუძს დაგინგრიოს რწმენის ტაძარი,
შევიგინოს სალოცავი შენი ყველა სახატე,
...რომ სილაში ფრთამოტეხილ ჩიტებს ხატავდე!



თამთას

(ჩემს ქალიშვილს)

ცხოვრება არ არის ჩემო, ჰანგები მარადიულ თართა,
შეხვდები კეთილებს, ჭკვიანებს, ბოროტებსაცა და ავთაც,
გონიერ მოეგე ყოველთა,
გულმა უნდა იცნოს თამთა!
ზოგჯერ ხელთ გეპყრას ეგების გასაღები უამრავ კართა,
განსაჯე, რომელი გეგების,
გონებას დაუჯერე თამთა!
ხან კრთომა გექნება დამრეცის, ხანაც ცადაზიდულ მთათა,
ერთგან გადაგეშლება ედემი, სხვაგან წაანყდები ხრამთა,
ისეთი მოზომე ნაბიჯი,
დედას რომ გაახარებ თამთა!



ელენეს

(ჩემს შვილიშვილს)

დილა ვისი ღიმილით იღვიძებს?

– ელენესი!

დღე ვისი სიანცით იღლება?

– ელენესი!

ღამე ვისი სიზმრებით ივსება?

ელენესი!

ელენე, ბექას პატარა ქალი,
ყველაზე დიდგულა, ყველაზე ნაზი,
ყვაფილზე სათუთი, ნიაფზე მალი,
ელენე, მამიკოს სინათლე თვალის!



სოფიკოს

(ჩემს შვილიშვილს)

რა საოცარი იყო ღამე
ხიბლით, ესოდენ,
ციცინათელები ენთებოდნენ ირგვლივს,
მერე ქრებოდნენ,
თაფბრუდამხვევი იყო ვალსი,
შენ რომ ცეკვავდი,
ღობილები მერე დიდხანს, მარტოოდენ
შენზედ ჰყვებოდნენ,
მე მეგონა რომ ვარსკვლავები
ცვიოდნენ ციდან,
ცვიოდნენ... და შენს კაბაზე აღმასებად
ირეკლებოდნენ!



* * *

(ვ-ს)

ის იდგა ნეტარის ლოდინში
და მორცხვად ხრიდა წამწამებს,
შენ იყავ დედოფალყოფილი,
რომელსაც მეუფე წაჰგვარეს.

ის იდგა შენი ქმრის რჩეული,
ძონის თვლებს დარბაზში ჰფანტავდა,
შენ თრთოდი, სიყვარულს ჩვეული,
ახლა აღარავინ არ გყავდა!



ხარ-ირემი

მყვირილობისას მოქნეული ხარ-ირემთ რქები,
არ მოცახცახე, მოელვარე კელაპტარები,
ჭიუხებში კი მომლოდინე ფურიათ მკერდი
გაყურებული, თვინიერი კენარ-ტანებით.

ბოლოს ერთ-ერთი ხარ-ირემის შემობლავლება
ნაპრალებში გადაჩხვისას, შმაგი, ხელური,
კვარცხლბეკზე შემდგარს ფურ-ირემის ნაზი ამება,
... რაოდენია ამ სინაზეში მაინც ველური!



ვიცი დაა... რად ამბობს?!

ღაწვები ლოცვასა სწირავდა,
მერე და აუგი ვინა თქვა,
დღეთა სვლამ წაიღო, რაც იყო...

ფიქრები ესია ნაღველად,
ქარი კი მოსთქვამდა თავნება,
არ ღირსო დარდებად ამდენად!

ვიცი... და რად ამბობს?!



* * *

ბინის სხვა და სხვა პოლუსზე სახლობთ,
ასე გარდავა თქვენი ღროება,
შენ კვლავ გვირილებს უგზავნი ამბორს,
ის მესთატეხას ესათნოება!

* * *

ეს სიყვარულია, თუ შეშლილის აგონია,
ასეთი წუთები თითქოს თვითონ არ ჰქონია,
ისე შემაჩვენა...
თავი ვინ ჰგონია?!



* * *

ავარდისფრება ღანვებისა, ჭვრეტა ფარული,
მომეტებული ფეთქვა გულისა,
გუშინ რატომღაც მომეძალა სევდა ძალუმი,
იმ არშემდგარი სიყვარულისა!



გარდასულ დროთა აკორდებია?

– ხმები რამ მესმა,
– გარდასულ დროთა აკორდებია?
– ფოთოლთაცვენის მოახლოების მკაცრი მარშია!
შემოდგომა... წვეროებშილა შემორჩენიათ
აღვებს ფოთლები ყვითელ არშიად,
გადარჩენილი დროთა სრბოლას, თუ
ბებერი ქარის ტორებს აშრიანს!

– ზმანებათ ხედვაჲ, რად ამეკიდე...
– არ ჩაუვლია ყმანვილს ვინმეს, ლეგა რაშიანს?
– „თვალი რამ ვკიდე...
შემოდგომა, წვეროებშილა შემორჩენიათ
აღვებს ფოთლები ყვითელ არშიად,
გადარჩენილი დროთა სრბოლას, თუ
ბებერი ქარის ტორებს აშრიანს!



სევდა



სევდა ნისლსა ჰგავს, დარდი-ღრუბელს,
მოლოდინი-ღელვას,
რისხვა მყიფეა, ოცნებაში კი, მაინც
ზაოდენი სინატიფეა...

წ. შიქ



მთვარე ნავია

ღრუბელთა ტევრებს გამალებით მიაჰობს მთვარე,
მთვარე ნავია,
ვით ტალღა ზღვისა უკუმოიქცევა ღრუბელთ რემა...
ისევ ქარია,
ცის ყრუ სიზმრები მიმქრალ ლანდებად ედებიან
მიწას ლამიანს,
ვილაცა გოდებს,
სივრცე გარდასულ ექოთა მატიანეა...

წამიყოლიებენ საიდან სადა... ფიქრები,
ფიქრი ნავია,
მე მენავე ვარ... მენავე ხან ნიავექარია,
ნიავექარია;
მიმქრალ ლანდებად ედებიან ცის ყრუ სიზმრები
მიწას ლალიანს,
ისევ ლამეა,
არე უსასრულო ფიქრთა ოკეანეა...



ზოგჯერ ჩემივე თავს ვუვამ კითხვას:
ცხოვრება ამდენ ტკივილად ღირდა?
გყავს დედა, რომელიც ლოცულობს შენტვის,
შვილები, ასე ძლიერ რომ გიყვარს,
სწორი, ვინც გხიბლავს,
სხვა რაღა გინდა?!

იქვე დგას ბავშვი

მახინჯდება ფასები,

კანონი,

ალმა-ხნული,

კაცთა მოდგმას შეესია ათასი რამ ვნება,

კარგი მაგრამ, იქვე თვალეზგათართოებული,

რომ დგას ბავშვი – სუფდა დაფა

და ყველაფერს ხედავს?!





ამეკვიატა ნაღვლიანი ათასი ფიქრი

გომბორი, მთები, გზა-შარაზე ავტომანქანა
ნიაფივით მიჰქრის და მიჰქრის,
ხეთა ნაზ რტოებს მწვანე სამოსზე თეთრ მაქმანად
დასდებია ათასი ფიფქი,
თოვლს გზააბნეულს, რა უნდოდა შუა აპრილში,
ვის მოეკითხოს სჯა დამაფიქრი,
დაიზაფრა გაუშლელი ათასი კვირტი,
ხემ ნაყოფი მოისხას რითი?
ამეკვიატა ნაღვლიანი ათასი ფიქრი,
მანქანა კი მიჰქრის და მიჰქრის...



სხვამ ვით გაიგო, ნაღველი სხვათა

არის სიფითრე და ფოთოლოტყვენა,
ყველგან დუმილი,
ისევ დუმილი ხეთა და სხვათა,
დუმს დიდი ღელე,
არ იღებს ხმათა, გლოვა აქვთ მათათა,
ქალთა¹, უ... ქალთა
ხეობა რატომ არ იღებს ხმათა,
რადა აქვთ გლოვა
წვერთეთრა მათათა?
– სხვამ ვით გაიგო
ნაღველი სხვათა,
ქარმა ხეს ტოტი მოსტეხა იქნებ,
... წესია ქართა!

¹ ქალთა – ქალის სახელია



ბედო, არ იყო ბრმაი

კვარცხლბეკზე იდგა მკერდგაფსებული ქალი,
ხელში ეჭირა ახალშობილი ყრმაი,
ამ სრულქმნილებათ ვინ უაუგოს თვალი,
ბედო, არ იყო ბრმაი!

* * *

„რა ცოტა წყალი ჰყოფნის“ დაჭრილს
უკანასკნელ წუთს,
და მერე იქვე ჯარისკაცები ჩაიმუხლებენ,
მოიხდიან ქედს...
ის იყო შვილი, ის იყო მამა,
ახლა – ცხედარი...
სიდან მოიტანს ქარი ქვითინს?
რამეთუ დედა, რამეთუ ცოლი –
ასე ნეტარნი,
არიან შორს, რუხ მთების იქით...



მამას

(მამულს ისავდა ქლუხორის უღელტეხილთან)

როგორც რტოები გაზაფხულზე, ძარღვებში მაშინ
გაკვირტულიყო
კაცურ ნათიქრის საქმედ ქცევის ყველა საწყისი,
ცხრამეტის იყო...

თუმც გასწირა ყველა ოცნება, მაინც მოასწრო
უმთავრესი:

სანთლად აენთო დათალხულ მიწას და ნათებით
უმხურვალესით,
გზა გაუკვალა მირიადებს, ვით ბნელ ღამეში
სხივმა მთვარესი!

კაცთა სრა, ნგრევა, ნახანძრალი ხეების რტოთა
შეშლილი როკვა,
სიკვდილის ჯერი, ცად აჭრილი მესერშმიტებად,
მრავლობდა მტერი

და იგი მამულს აეთვარა მკერდზე ტინებად,
ხვედრად ირგუნა
საძმო საფლავი, განა ხის ჯვართან სამუდამო
განაპირება,

შინ დარჩენილთა, უსასრული ლოდინი ქალთა,
არ დატირება,
მშვენიერია ლოდინი მათი, ვით დაპირება.
მოიცდიან რად?
ვლიან დრონი, წლების სიმრავლე ბავშვობის სევდას
ვერ აფერმკრთალებს,
მისი ასული, ახლა უკვე მასწავლებელი
ვენვევი კლასებს,
ყმანვილთა ცქერა გარდასულ დღეთა წარმოსახვას –
ათასგვარს ჰბადებს,
ფიქრი მანვალებს: როგორი იყო მაშინ მამა
ცხრამეტი წლისა,
იქნებ ის ჰგავდა რომელიმე ჩემს ცელქ
მეთერთმეტეკლასელს?!




დედაჩემის ფიქრები

სხვა არათფერი დამრჩა მისგან,
ნაღველი რომ მომეძალევა თითების სევდა
ამ ძველ სამკუთხა ბარათს ეხება,
ვინ გაახსენდა უკანასკნელ წუთს: ცოლი, დედა,
თუ ბავშვი ჩვილი, კნაჭათუფება,
ან იქნებ ისე სწრაფი იყო სიკვდილი მისი,
„ვით ტყვიის შეხება?!“

* * *

ავიკრიფე და წარსულს ჩავბარდი
ჩემი კორდებით,
ზამთარ-ზათხულით,
აპრილითა და
თიბათვიანად!
ვერ დავრჩებოდი...
მე დახარჯული ვიყავ მთლიანად!



ვაზის სამამულე რქაო!

ღვინის საგვარისო დოქო,
დაცლილო,
ღვინით აღარ, მძიმე დარდით
ავსილო,
მამის თვალთა შუქო, ვაგლახ...
დავსილო,
გულო, დედის გულო იმედ-
მოსრილო,
ვაზის სამამულე რქაო –
მოჭრილო!



ზღვა ამშვიდებსო აღელვებულთ

ზღვა ამშვიდებსო აღელვებულთ,
მოვედი ზღვისად,
თვითონ რომ ბორგავს, ვით შეიძლოს
ნუგეში სხვისა?
ზვირთები ზვინად ასე ასულნი,
ჯერ მე არ მახსოვს,
ზღვაო, ვინ იცის მაგ ღელვაში
რა ბოღმას აქსოვ?!
მეტი სიშმაგის მონზე გამხადე,
დაჰქროლე ქარო,
(შენი დარდი რა დიდი მეგონა,
გულდიდა ქალო),
ზღვა ამშვიდებსო აღელვებულთ,
მოვედი ზღვისად,
თვითონ რომ ბორგავს, ვით შეიძლოს
ნუგეში სხვისა?

– სწორედ ამითი! ეგოისტია
ბუნება კაცთა,
აუფერულებს საკუთარ სევდას,
წუხილი სხვათა!
ასეა ახლაც, უსასრული
ნაპრალი წყალთა
და მაინც ღელვას საოცარი
სიმშვიდე ახლავს!
ჰორიზონტს იქით ნისლიანი
ბურუსის ფარდა,
ღრუბლის ფთილებში უთავბოლო
თარეში ქართა,
ნისლებს რომ ჰფანტავს, მერე მრუმე
წვეთებად ისვრის
და არაფერი, არაფერი
ჰორიზონტს იქით...
ვიღელვო რითი?!




* * *

(ია ნანეიშვილის ხსოვნას)

იყო სიფრიფანა გოგონა, მუზების ასული,
ოცნებები ჰქონდა ცამდე ასული,
იის ფურცელივით ნაზი იყო, იად ხმობილი,
სევდაც დიდი ჰქონდა, ლექსად თხრობილი;
მერე იყო სივრცეებში მისი ხმის გაელვება,
მერე... ბედის ასე რიგ დაელმება;
მოვარდა უამი ფერმიხდით, მხუთავი ტკივილებით,
უნდო, უგულო, მომსრავი ბილილების,
სასო წარიღეს დღეებმა, უარსოდ მიმავლებმა,
მერე იყო სუნთქვის ისე მინავლება...
მერე... ფანჯრიდან შემოჭრილი ქარის შეკვივლება,
წამის მარადისობასთან შეკირება!
ძირს დაცემული იის ბილილები, მიწის სევდა:
„ეს უკვე მერამდენე ანაბელ ლი¹...“
ცრემლი მოძალდა...სასტიკია ფერთ ესრე ცვალება,
ო, როგორ მიძიმს ეს გარდაცვალება!

1 ანაბელ ლი-ედგარ ალან პო-ს ლექსის ტრაგიკული გმირი გოგონა.



ქრონიკები საქართველოს უახლესი ისტორიიდან
(ამონარიდები)

*

მოიცდიან რად? ვლიან დრონი,
ცივნი, ხანაც ალზე უმხურვალესნი,
„მამული, ენა, სარწმუნობა“ –
 მოზღვაავდა ტალღა,
ქარმა შეწყვიტა ნისლში თარეში,
თავისუფლების სიომ მოჰბერა,
ამ მწყურვალეხათ სიმხურვალეში!

*

აჰრილმა აუშვა აფრები,
ჰაერი სისხლივით თბილია,
კბილებს ილესავენ აფთრები,
...სიავემ გზა მისხლივ მილია!

*

ქანცგადაღეული გავიდა ივლისიც,
დარდი მომკლავს, დარდი დღევანდელობისა,
ის, რაც მაშინ იყო... იმისიც,
ჩემო გატანჯულო, მოიკრიბე სიმხნე,
სიბრძნე, ძალა თილისმის,
რომ აღარ გვეხილოს ბარით დაბარული,
ნიჩბით დაჩეხილი თბილისი!

*

ცას შეჰკლალადებდა მონამეთა სისხლი,
ცრემლით ლტობილი მიწა საქართველოსი,
ციოთ იშვა ნათელი... და მოღელდა სუნთქვა
დამოუკიდებელი საქართველოსი,
დამოუკიდებელი საქართველოსი!

*

ვიმეორებ რაფიელ ერისთავის ლექსის სტრიქონებს:
„როგორც უფალი, სამშობლო, ერთია ქვეყანაზედა,
ღმერთო, არ მოუშალო ჩემს ქვეყანას
„მრავალშამიერი“ და „იავ მთაზედა!“

*

მაგრამ, ეშმას არ სძინავს,
ქვეყნის ერთობა ეჭვებს ვერ იტანს,
„ვინ ჭეშმარიტი გაიცთომილა,
ვის ცთომილება ეჭეშმარიტა!“

*

ჟამია დაჟამული, ქარცივი,
კაცი კაცს ერქინება ვაცივით,
ბოღმა უძღები გახდა ვარცლივით,
...ბარგანაობს მინა მთვრალი კაცივით!

*

ამას მოჰყვა ძმთამკვლელი ომები,
ჟამი კაცის გამძლეობას სცდიდა:
დავკარგეთ აფხაზეთი: (გაგრა, სოხუმი,
ათონი, რინა...)

სამაჩაბლო!

...ისედაც გოჭი გვექონდა მინა!



გავცქერი ზეცას

გავცქერი ზეცას, ბურუსი ჰფარავს,
ხედვა ვერ ატანს მის მრუმე კარავს,
დაფლეთილ ნისლეებს სიცივე ჰქარავს,
თუმც ზოგჯერ ელვა სიბნელეს ჰკვალავს,
მწუხარე ფიქრებს ეჭვები ჰკალავს:
ილურჯებს კვლავაც ის ლურჯი ზეცა,
ჯანლი რომ ჰფარავს?!

* * *

მძიმეა სევდა,
რომელიც ერის სანუხარიდან იღებს სათავეს,
...ვის ხელთაა
ჩვენი გადარჩენის სადავე?!



ვით ბაღლი პატარა

ვით ბაღლი პატარა, მტირალი ანთებულ ბუხართან,
კალთაში დიდედის,
მღვარი ბების, ამ ნამეხარი მუხის სურათთან,
თანდათან ვმშვიდდები,
წამიყოლიებენ სულ სხვა სამყაროში ფიქრები,
ფრთამალი კევრებით,
ფიქრები, ეს უცხო საუფლოს გიდები.

თქვენ კიდევ არ გძინავთ?

მყუდრო გალიაში ძილს რამე სჯობს განა?
უკვე შუალამის ორი საათია,
ირგვლივ უკუნეთი წყვდიადია თანაც,
თქვენ კიდევ არ გძინავთ, ქალბატონო ანა?!



ცოლს უთქვამს

ბუხარში ამიშხინდა წვადი,
სუფრას შემოსხდომიან ბალღნი თუ ღიდნი – ორ ბუდად,
შესწევნიათ ქალღმერთი დალი,
ფშავ მონადირეებს ირემი მოუკლავთ ქორბუდა;
ვაჟა სად არისო, უკითხავთ,
არაგვის პირას ზის, რაღაცას ჯღაბნისო,
– ცოლს უთქვამს!



გალაკტიონ ტაბიძეს

ჟამთა სვლა მალი, ო... ისე საოცრად მალი,
ვითარცა სრბოლა ლურჯა ცხენების,
ცხოვრება შენი – ჩანჩქერების რძისფერ ჩქერებით,
სევდა – მონყვეტილ ყვავილთ ღერებით,
ბეთანიაში კი იების კდემა მარადი,
შენეული ლურჯი ფერებით.
შენ, უუნაზეს გრძნობათ მთოველი,
ირგვლივი შენი სათაყვანო გახდა ყოველი,
ფერიებს ღამით ეზმანებოდი,
ატმის ყვავილთა თრთოლას ვერსად ემალებოდი,
თუ ჟამი იდგა ფოთოლთცვენის,
დარდიანი, სარდაფში ღვინოს ეძალებოდი,
ჟამთა სვლა მალი, ო, ისე საოცრად მალი,
ვითარცა სრბოლა ლურჯა ცხენების...



ო... მაჩაბელო

ო... მაჩაბელო,

მადლიერია შენი ნაღვანით ღღეს საქართველო,

და მაინც უმძიმს:

რომ ვერ გაგქონდა იმხანად ლელო,

თანამედროვე

ავციების რომ გქონდა რიდი, რად ვერ ხვდებოდი...

ასეთი დიდი,

რომ კაცუნები ყალბი პათოსით გაქეზებდნენ

მარტოდ ვნებისთვის,

სხვა რომ არა და...

მხოლოდ შექსპირის ქართულ ხმაზე ამეტყველება

გეყოფოდა უკვდავებისთვის!



სხვისი ჭკუის სწავლება რა იოლია

სხვისი ჭკუის სწავლება რა იოლია,
და თუ იოლია
კეთილისმდომელი ხომ შენცა გყოლია,
ვიცი, რომ გყოლია...
მაშ რატომ დაგებნა სავალი გზა შენი,
ჩემო მაგნოლია?

ერთი, ორი, ერთი – ნაბიჯები მწყობრი,
ოდნავ რიტმული და...
ვერავენ შეგამჩნევს სულის აგონიას
და თუ ყველაფერი ასე იოლია,
რატომღა ტირიხარ,
ჩემო მაგნოლია?!



ჩაა და... სევდა

დარბაზი, ხალხი, წუთი, რომელიც
სიცოცხლეს ხდის ლამაზს და ნეტარს,
ძახილი, ტაში,
სცენაზე ცეკვავს პატარა ბავშვი,
ბავშვი, რომელსაც დარბაზიდან
არ უმზერს დედა!

აღიარება, ძახილი, ტაში,
სიხარული, კიდევ რა ნეტავ?
...ჩაა და სევდა,
სცენაზე ცეკვავს პატარა ბავშვი,
ბავშვი, რომელსაც დარბაზიდან
არ უმზერს დედა!



გადარჩებოდა გალესილ დანას პატარა ხბო

კაცმა თქვა: უნდა დავკლათო ეს ჭრელი ხბო,
არაო,

ქალის უარი სუსტი იყო (როს რასმე თმობ),

„აბალახეო მაშინ თავად!“

დადუმდა ქალი, არ უთქვამს „ხო!“

...გადარჩებოდა გალესილ დანას პატარა ხბო,
მწყემსად გახდომა შემძლებოდა რომ!

ხელადებში ღვინო ჩამოასხითო! – თქვა კაცმა,
მამრს ხალისს ჰგვრიდა მომავალი ნადიმი, თრობა,

ბიჭი ტიროდა ღობის ძირას, თვალეები მწუხრით

ავსილი ჰქონდა, სლუკუნით უყვებოდა დედას:

როცა დაკლესო პატარა ხბო, სიკვდილის მერეც
სხეული მისი ფოთოლივით როგორა თრთოდა.

მერე აივსო აივანი ხალხით, ხმაურით,

ხორცის სუნი ქალს ბრუს ახვევდა, გულს ურევდა,

მაინც ღიმით მიმოდოდა წვეულ სტუმრებთან,

სუფრა ღრეობდა: ვიღაც ჟამიერს გაჰკიოდა,

წვადიც კიოდა აღმოდებულ წითელ ქურებთან,

ბიჭი ღობის ძირს მიმჭდარიყო დაშლილ ურემთან,

ეჭვებაშლილი, ცხელ ცრემლებს ლამში ურევდა!



მანდილი

შუამთის ტყეში, დაბურულ ტყეში,
მაყვალს ჰკრეფს ქალი, პირიმზის დარი,
მახლობლად ქალის შეჩერდა რაში,
„მივალ და ვეტყვი“ – ჩურჩულებს ვაჟი.
ქარმა გაიტაცა გრძნობები, ნაზი,
ქალს ჩასჩურჩულა... გაიქცა ქალი,
მიჰყვება ვაჟი, ნიაფზე მალი,
ნეტავ ვერ დაეწეოდეს... ვაი,
ბარდებმა მოსტაცეს მანდილი თავის,
გული ეტკინა, ცრემლებს ღვრის ქალი,
აილო ვაჟმა მანდილი თეთრი,
მანდილი მისია – სურვილი ერთი,
მანდილი მისია, მისია, მისი,
მანდილი მისი და ქალი ვისი?
– არ ვიცი, არ ვიცი – ჩურჩულებს ვაჟი,
მოახტა რაშს და გაფრინდა რაში!



შროშანავ ტირი?

- ეს რა ხმა ისმის?
- რატუსოდიაა ღამის,
- შროშანავ, დგახარ
ვით მორცხვი ქალი,
შროშანავ მისმენ?
- სუ... ჭია-ჭია მაი!
- ის რატუსოდიაშ შთანთქა,
გრძნობად იდენოს ღამის,
- მითხარ რა გხიბლავს?
- იღუმალეზა ღამის!
- მერე სიჩუმე წყდება,
ახმაურდება ქარი,
ორომტრიალში ბრუნავს,
გამხმარ ფოთოლთა ჯარი,
ჰარმონიების აცმას
- სალაც წაიღებს ქარი;
- და რატუსოდია წყდება...
- შროშანავ ტირი?
- ჰო... ჭია-ჭია მაი!



წარმავალია ყოველი განა?

არ გეთანხმებით არა და არა!

ვიცი... არ გამოდგება წარსული ფარად,
მაგრამ... მასაც ხომ ჰქონდა თავისი ხანა
სიკეთით,

ლტოლვით,

ლურჯი იებით...

წარმავალია ყოველი განა?!

– რა საჭიროა ამოდენი ემოციები,
ქალბატონო ანა?!

ნეტავ მზის ათინათების მწყემსად ვუბობილიყავ,
ქართა დარებრ, თავადაც განვზავდებოდი მასში,
უსათუთესი ფერების ჩქერი ვყოფილიყავ,
მიწის სევდას მალამოდ ავებნეოდი მაშინ!



თომას

ჩემს შვილთაშვილს

- ბები, ბები შეხედე ცას, მისმა დასავალმა ფერთა შეკონება როგორ სხივებრ დაიფინა...
- როგორც გაასხივოსნა საქართველო იმ ხანად სულო, სიბრძნეთ შეკონებით, მეფე დავითიმა!

- შეხე, ცას რომ შესევია მრუმე ნისლთა რემა, ბები, ქარი ღრუბლებს ახლა საით ერეკება?
- საქართველოს მიჯნათ მიღმა, როგორც გადარეკა ბევრჯერ მომხვდურთ ურდოები, მეფე ერეკლემა!

- ბები, „ვილაცას რომ შია, ვილაცას რომ სცივა,“ ვილაცას რომ სტკივა, – არ ისვენებს თვალხატულა თომა – მათ საშველად მზეჭაბუკი მოვა, მოვა?
- მზეჭაბუკი? მოვა სულო, უსათოოდ მოვა!



ვედრება



ქაზო ნუ მოუქნევ ცოზს,
იმ ცადაღერებულ ზტოს!

წ. შიშ



აჰა, ჯვარცმა ჩემი

აი, შედეგი ცთუნებათა ადამთ მოდგმათა,
უდაბურია და მწველი,
თქვენთვის ყოველთა, მისატევებელად ცოდვათა
აჰა, ესე ჯვარცმა ჩემი!

აი, ვენიდან ნაჟური, ლურსმნით ნაჭედისა,
მეწამულია და ცხელი,
თქვენთვის ყოველთა, ფერისცვალებისად სულისა
აჰა, ესე სისხლი ჩემი!

ზეცად ამალლება იგი, ნუგეშად კაცისა,
ცხოველსმყოფელია, წრფელი,
თქვენთვის ყოველთა, სიცოცხლის არსში ჩანვდომისად,
აჰა, ესე ლოცვა ჩემი!



„ვერცხლი, ვითარცა მიწაი ვიუნჯენ“

„ვერცხლი, ვითარცა მიწაი ვიუნჯენ“...

„სხვათა სოფლის კიდეთა დაპყრობად“

ვეძიეო ხვედრი,

„ჟამი რაი, მეფობისაი წარვიდეს,

დიდებაი დაშრტდეს,“

შემიწყალეო ღვთისმშობელო, გვედრი!

ჟამი მზედ-ხმობილი, მეფობის შენი,

გარდავიდა, დავით!

ხიბლი ნატერთალ შენთა კი, უმეტეს

განდიდდის რამდენად...

ისე მაღალია ნამწვერვალეფნი

შენი, მეფეო,

დიდებაი ვერ გეყნების დაშრტდებად!


¹ თაყვანი ვეც.




წინამურთან

წინამურთან უბირთა ბრმა ქადილი,
სისინი, ტყვიისებრი ერთობ,
ილია ვარ ბიჭებო! – შეძახილი,
სივრცეს შემორჩენილი ექოდ;
მოძღვარის სიკვდილი – ერის სირცხვილი,
შეგვინდე, შეგვინდე ღმერთო!

უფალო, გვედრი



წარსულის ძველ დიდებაზე მოდუდუნე მტკვარი
შეერთფერებია ნისლებს,
თბილისი, შავთელის „ხოტბათა შესხმას“ ატანილი,
ამო მოგონებებს ისევს,
უფალო, გვედრი, გამთლიანებული დაგვაბედე
ჩვენი ცა და მიწა, ისევ!



ქარო, ნუ მოუქნევ ტორს

ქარო, ნუ მოუქნევ ტორს,
იმ ცადაღერებულ რტოს!

ბედო, უმუხთლებ ნუ,
იმ ლაგამანყვეტილ ულაცს,
ავი ელოდება თუ...
დედა გაუთავე უმალ!

*

ახალგაზრდული სიგიჟმაჟე გონარეული, ოდეს
შეშლილი მიჰქრის შეშლილ შარაზე,
გვედრი:
ღვთისმშობელო დედავ, გადაათარე შენი სიმშვიდე,
„სიკვდილის ყველა კარი დარაზე!“



* * *

ქვეყნად რომ ამდენი ღვარძლია,
არ იქნებოდეს ნეტავ,
ერთმანეთს ტყვიას ნუ ესვრით ბიჭებო,
...შინ გელოდებათ დედა!

* * *

ო, რარვი მინდა ჩემო სულო, ჩემო ერთო,
ბედის ბედთან წილი იყარო,
ბინდში ნუ გახვალ, კაცი უგზო, უმისამართო,
მეგზურად არ გადაიყარო!

* * *

წუხელ ისეთი მარტოსული იყო ცა,
ქუთურ ღრუბლებში მიმქრალი მთვარით,
როგორც ოჯახი უერთმანეთო...
და მე ავტირდი:
ერთურთს უნდა ვუერთმანეთოთ,
ვუერთმანეთოთ!



ემიგრანტი დედის ვედრება

გაუჭირდა საქართველოს...

ქართველი დედები გავიბენით

ყოფის მძევლებად,

ოჯახების სარჩენად, უცხოეთს

დავალთ მხევლებად!

გვღვეს, მოკვეთილივით განწირული,

ეულობისათვის განწირული,

ნოსტალგიაში ჩაძირული გული!

... ვერა ვიგუოთ,

აკვილდებიან ჩვენი ფესვები,

უცხო მიწას ვერ ჩავეფესვებით,

ვერ ჩავეფესვებით!

არად გვიღირდეს არცა შარბათი,

არცა საგანძე და არცა ქნარი,

ვერ გვეხლებოდეს შუბლზე თუკი,

ჩვენი მამულის წვიმა და ქარი!

კრთის შორით შუქი...

ვინ დაუსაზღვროს იმედს მიჯნა,

.....

ან ბედის ბორბალს – წესი ბრუნების...
ქმებო, მოძმენო,
ერო და ბერო, დიღო და მცირევე,
დარბაისელნო, თუ შმაგნო ბუნებით,
გამთლიანდით! ო...
გადაარჩინეთ საქართველო!
არ მოგვიშალოთ ხვედრი და არე,
შინ დაბრუნების!



მოძღვარი

(ამონარიდები პოემიდან)

*

მდუმარე საყდრის თავანს დაადგა ნათელი,
შემოეძარცვა სათვარი გვიმრისა,
„ამიერ, არავინ აღანთის სანთელი
და დასდგის ქვეშე ხვიმირისა,
არამედ, ზედა სასანთლესა დასდგიან,
რამეთუ ნათობდეს ყოველთა,“
იმედი მიუბოძოს დარდიანთ,
უსასოოთ, შვების არ მქონეთა,
საკურთხეველს სანთლის ნალვენთები
შვების ცრემლებივით დასდიან,
ლოდინით დაღალულ ტაძრებში
სანთლები ზედა სასანთლესა დასდგიან!

*

ყოველ ცისმარე, რიჟრაჟი როცა
ცის კაბადონს მოაბილილებს,
განთიადის ლოცვით მადლმოსილი
შეუყვები საღვთო ბილიკებს,

ცასა და მიწას საქართველოსას
შეავედრებ არსთა გამრიგეს,
გაითავისებ კაცისა და ერის ტკივილებს
და ლოცვის ძალას სალბუნებად მიმოარიგებ!

*

მუდამ შუქმთოვარს,
ბოგჯერ მზერა მოგიჩანს ცრემლად,
ბოგ-ბოგები
როდესაც დღესაც ჰყიდიან ქრისტეს
ოცდაათ ვერცხლად!
უსაზომოა ტკივილი იგი, მძიმეა ერთობ
და მაინც იტყვი:
„რამეთუ არა იციან რასა იქმან,
შეუნდეო ღმერთო!“

.....
შემდეგ ზენას ალაპყრობ მზერას და დიდხანს
ჰვედრი:
„შენ შემძლევე ყოვლის,
განგვასპეტაკეო უფალო, ვითარცა თოვლი!“



ადიმართე!

მდინარებს უამი, მოიმედეა

გული კაცისა,

ბოლო კეთილის სულ მომლოდეა,

ადიმართე ქართული სულის

გენო და მოდგმავ,

„შერკინება ნათლის და ბნელის,

ხომ ბოლომდეა!“



ეს წუთისოფელი

ეს წუთისოფელი სულ მაორომტრიალებს,
ცხოვრების თქეშსა და ზვირთ-ზვინებს მისევს,
გავუძლებ ტიალებს, ლამით მაინც
გვირილები მესიზმრება ისევ!

აღაღებული მერცხალის ზე აჭრა მხიბლავს,
შემოდგომას ფოთოლთცვენა რომ სტკივა, ვიცი,
გაქცეულ მტერს ქვას არ დავადევნებ,
წაქცეულ კაცს – სიცილს!

ჩემეული ლტოლვების საუფლოში ვუფლობ,
თუმც წუთისოფელი სულ მაორომტრიალებს,
ლექსი გამიქარვებს ურვასა და
იარებს... გავუძლებ ტიალებს!



აღსარება

ბარტყებსა ვზრდიდი, მთელი ცხოვრება
შევალიე სარჩოს საშოვარს,
მაგრამ უფალო ცოდვა მაქვს დიდი:
ყველა ნაყოფი ვერ იტვირთა დედის საშომან!

საცხოვარისი რაღაც მქონია,
რამდენი იყო მცირედ მყოფელი,
წუთისოფლის ხიბლმა ჩამიყოლია,
ვერ გავეუყავ მათ გული თხილის, გასაყოფელი!

სასთუმალს ვედექ, ვუვლიდი დედას,
არვინ მყოლია ბრალის მდებელი,
თუმც, უკმარობის სულ დამდევს სევდა,
მშობელს კუთვნილი ვერ მივაგე, მისაგებელი!

სიკეთისაკენ თუმც მქონდა ლტოლვა,
არა ვყოფილვარ უნდო და ფლიდი,
მაგრამ უფალო, აქაც მაქვს ცოდვა:
მადლს ვაკეთებდი საკეთებელს და მერე ვთვლიდი!

მაგრამ ვინა თქვას მარადისთან საწუთროსანი,
თუმც აროდეს ვყოფილვარ ღროის
უქმად მფლანგავი, ვერ დავიხარჯე,
...ზენამ რომ მომცა დასახარჯავი!

და ამ ცოდვათა მრავალჯერობით
შენს სამსჯავროში, შენს ფერხთ მყოფელი,
მიტევებას გთხოვ – ყოველდღიურ ვნებათ ჭიდილში
შემომეძარცვა წუთისოფელი.

ჟამშეძარცული, ვდგავარ უგვანო,
გარს, სივრცეები მომკვიფიან – უკიდევანო:
ამაოდ დაშვრა, ამაოდ დაშვრა...
ამაოდ დაშვრა!
...შემინდე მაშვრალს!



სარჩევი

წინათქმა	3
წერილი ლალი მასწავლებელს	4
პასუხი ლალი მასწავლებლისგან	5
ცოტა მზე.....	7
ლალი მეოცნებე	8
სთქვი, ღრუბლის ფთილაჲ.....	9
მინც ავმალღებები!	10
რომ, სივრცეებში გაუბნეულიყავ	11
რა ესმით ქარებს	12
„მთვარე ღრუბლებმა დაატყვევეს“	13
არ შემიძლია ღვენთა უალო	14
*** (რამეთუ)	14
ეს მე ვისურვე.....	15
პოეტებმა მოხოვეს კიდე წამეკითხა	
ლექსები	15
მზის ჩასვლა ზღვაზე.....	16
აგწიე ჭიქა.....	17
ქეთევან წამებული	18
ხმაურით, ღრენით	21
ბურა ღრუბლები.....	23
დადგება ხოლმე ცხოვრებაში წუთებ მძიმე	24
ყველა ელოდა მეხთატეხას	25
ქიმიკოს გოგონას	26
არის ბიჭი ნუკრისთვალემა.....	27

სადღევრძელო.....	28
ო, ღირდა... ღირდა!	29
მე დავიბადე ველთა მწუხრისას	34
სიყვარული	35
სიყვარული ეს ცის კარია.....	36
ცისარტყელას მოვტაცებ ფერებს!	37
კდემა დედათა!.....	38
წამწამები რატომ დახარეს?	42
* * * (რაო, ვინ არის)	42
და აშრილებს შავ ფოთლებს ქარი.....	43
* * * (მივდივარ)	43
როს ღამე იწყებს გაფერმკრთალებას.....	44
ისიც ქარია ვითომ!	45
ეს ღამე ჩემთვის იქნება შლეგი.....	46
მე მეცვა ყვითელი კაბა.....	47
პაემანი	48
რომ სილაში ფრთამოტეხილ ჩიტებს	
ხატავდე (იას).....	49
თამთას (ჩემს ქალიშვილს)	50
ელენეს (ჩემს შვილიშვილს).....	51
სოფიკოს (ჩემს შვილიშვილს).....	52
* * * (ვ-ს)	53
ხარ-ირემი	54
ვიცი დაა... რად ამბობს?!	55
ბინის სხვა და სხვა პოლუსზე სახლობთ.....	56

* * * (ეს სიყვარულია, თუ შეშლილის აგონია)	56
* * * (ავარდისფრება ღანვებისა).....	57
გარდასულ ღროთა აკორდებია?	58
სევდა	59
მთვარე ნავია	60
? (ზოგჯერ ჩემივე თავს ვუსვამ კითხვას).....	61
იქვე დგას ბავშვი.....	61
ამეკვიატა ნაღვლიანი ათასი ფიქრი	62
სხვამ ვით გაიგო, ნაღველი სხვათა	63
ბედო, არ იყო ბრმაი	64
* * * („რა ცოტა წყალი ჰყოფნის“ დაჭრილს)	64
მამას (მამულს იცავდა ქლუხორის უღელტეხილთან)	65
დედაჩემის ფიქრები	67
* * * ავიკრიფე და წარსულს ჩავბარდი.....	67
ვაზის სამამულე რქაო!	68
ზღვა ამშვიდებსო აღელვებულთ	69
* * * (ია ნანეიშვილის ხსოვნას).....	71
ქრონიკები საქართველოს უახლესი ისტორიიდან (ამონარიდები).....	72
გავცქერი ზეცას	75
* * * (მძიმეა სევდა)	75
ვით ბალღი პატარა	76
თქვენ კიდევ არ გძინავთ?	76
ცოლს უთქვამს.....	77

გალაკტიონ ტაბიძეს	78
ო... მაჩაბელო	79
სხვისი ჭკუის სწავლება რა იოლია.....	80
რაა და... სევდა	81
გადარჩებოდა გალესილ დანას პატარა ხბო.....	82
მანდილი	83
შრომანავ ტირი?.....	84
წარმავალია ყოველი განა?	85
*** ნეტავ, მზის ათინათების მწყემსად ვშობილიყავ.....	85
თომას (ჩემს შვილთაშვილს).....	86
ვედრება	87
აჰა, ჯვარცმა ჩემი.....	88
„ვერცხლი, ვითარცა მიწაი ვიუნჯენ“	89
წინამურთან.....	90
უფალო, გვედრი	90
ქარო, ნუ მოუქნევ ტორს	91
* * * (ახალგაზრდული სიგუმაჟე).....	91
* * * (ქვეყნად რომ ამდენი ღვარძლია).....	92
* * * (ო, რარიგ მიწდა)	92
* * * (წუხელ ისეთი მარტოსული იყო ცა)	92
ემიგრანტი დედის ვედრება	93
მოდღვარი (ამონარიდები პოემიდან)	95
ალიმართე!	97
ეს წუთისოფელი.....	98
აღსარება	99



Handwritten signature or initials.